

十誦律


才十八

三百十一  
從八


49862

49862

49862



Vertical stamp with Chinese characters: 上海圖書館藏



十誦律卷第十八

從

姚秦三藏弗若多羅共三藏鳩摩羅什譯

第三誦之五

九十波逸提之十

佛在舍衛國。爾時波斯匿王作是法。若佛在祇洹。我當日日自往奉見。爾時波斯匿王聞

佛在祇洹。即勅人民掃除祇洹。皆令欲見佛。受勅掃除。却眾人。唯有一人著弊故衣。在佛前坐聽法。恭敬佛。故不敢驅去。使者



白王。我已掃除祇洹。淨潔。唯有一人著弊故衣。近佛坐聽法。我等恭敬佛。故不敢驅去。王言。一人著弊故衣。近佛前坐。當伺所能。即勅

御者駕乘調車我欲見佛即嚴駕車往白王  
言駕嚴已訖王自知時王即上車出舍衛城  
往詣祇洹至下乘處步入祇洹今時大眾遙  
見王來皆起迎王有一須達居士坐佛邊聽  
法恭敬佛故不起迎王王即瞋言此是何人  
著弊故衣在佛前坐見我不起我是灌頂大  
王我境界中得自在無死罪者能殺有死罪  
者能放以敬佛故瞋不出口直詣佛所頭面  
禮佛足却坐一面佛為說種種法示教利喜  
不入王心瞋是人故諸佛常法不為不一心  
人說法佛即問王何故以二心聽法王言世尊  
此是何小人著弊故衣在佛前坐見我來不

起立迎我於國中得自在無死罪者能殺有  
死罪者能放須達居士言大王不知耶我於  
佛前坐聽法恭敬佛故不起迎王無有憍慢  
王時大羞小退一面問諸大臣此是何人著  
弊故衣在佛前坐不起迎我諸大臣言大王此  
名須達居士是佛弟子得阿那含道在佛前  
坐聽法敬佛故不起無有憍慢王聞是語  
心小息便作是念佛法大力令人心大得無  
畏力我今何不令諸夫人受學佛法令得大  
心時王語諸夫人使從比丘受學經法諸比  
丘不欲教授作是言佛未聽我等教諸夫人  
法是事白佛佛言從今聽比丘教授諸夫人

法時諸夫人各各自請經師有夫人請舍利弗者有請目連者有請阿那律者時末利夫人請迦留陁夷爲師尔時諸夫人次第直宿於王時末利夫人下著珠網衣上著磨貝衣内身露現如共王宿時即著是衣出在中庭床上坐尔時迦留陁夷地了時著衣持鉢入王宮至門下立彈指末利夫人看見師來便言師入即生慙羞胡跪而坐不得起迦留陁夷見已亦羞還出到祇洹中以是事向諸比丘說諸比丘以是事向佛廣說佛語諸比丘若如是過失及過是過失皆由數入王家故佛言若比丘入王家有十種過失何等十若王與

夫人共坐比丘來入介時夫人見比丘或笑  
比丘見夫人或笑介時王作是念如夫人見  
比丘笑比丘見夫人笑此比丘必起惡業是  
名初過失復次王共夫人宿不自憶念是夫  
人或出外任行還有身時王見比丘入出王  
作是念是夫人出外比丘數入出必共起惡  
業是名第二過失復次王家失五寶若似五  
寶王見比丘入出是中必當起惡業是名第  
三過失復次王有密語論事或有內鬼神持外  
唱說王作是念如此密語外人得聞是比丘  
常入出必是比丘所傳是名第四過失復次  
王欲殺王子或時王子欲殺王是中有不喜

者謂比丘所作作是念我寧莫與比丘共事  
是名第五第六過失復次王欲遷小爲大或  
欲退大爲小是中有不喜者謂比丘所作作  
是念我寧莫與比丘共事是名第七第八過  
失復次王大嚴駕幢幡鳴鼓若乘魚馬輦輿  
出驅人遠道是中有不愛比丘者見比丘在  
王邊謂必是比丘所作作是念我寧莫與比  
丘共事是名第九過失復次王滅敵國敵國  
調伏時應死者勅殺又唱莫殺是中有不喜  
者我寧莫與比丘共事是名第十過失佛語  
諸比丘諸王家多有爲兵馬兵車兵步兵是  
家中與白衣相宜非比丘所宜種種因緣呵



責入王家已語諸比丘以十利故與諸比丘  
結戒從今是戒應如是說

若比丘水澆頂刹刹王家夜未過未藏寶若過  
門闕及闕處波夜提

王者刹刹種吉水灌頂受王職是名爲王刹刹澆  
頂若婆羅門若居士乃至女人受是灌頂王職亦  
名爲王刹刹灌頂夜未過者王未出故夫人  
未入故未藏寶者未藏莊嚴具未舉藏故門  
闕者門中相闕處者是門中地可安闕處波  
夜提者煮燒覆障若不悔過能障礙道是中  
犯者王未出夫人未入未藏寶亦時比丘入  
王門得波夜提若王雖出夫人未入未藏寶

尔時比丘入王門得波夜提若王出夫人入  
未藏寶比丘尔時入王門得波夜提若王已  
出夫人亦入已藏寶比丘尔時入王門不犯  
佛在俱舍弥國尔時優填王千夫人五百人  
爲一部舍弥婆提爲一部首阿奴拔摩爲一  
部首是中舍弥婆提所領五百人善好有功

從

十誦律經十一

德阿奴跋摩所領五百人惡邪不善尔時優  
填王有小國反叛王作是念我當留誰鎮後  
令無惡事自往破賊王作是念摩犍提婆羅  
門利根有威德是我婦父我當留鎮後自往  
破賊我於是人無有惡事後無憂悔王作是  
念已即令婆羅門守城自往破賊時諸城邑

聚落名聲流布王令摩犍提婆羅門守城後  
日早起百千種人在婆羅門門下有立讚歎  
者有稱吉者有合掌恭敬禮拜者有餉魚馬  
車乘牛羊驢騾者有餉金銀琉璃碑磔碼碯  
者摩犍提婆羅門作是念我得如是富貴勢  
力者皆是我女力故我當以何報是女若與  
金銀琉璃碑磔碼碯者宮中不少女人所有  
怨憎憂毒無過對婦若令舍弥婆提五百夫  
人死者乃當報女恩我何故不殺今不可直殺  
當作方便火燒殺之作是念已遣使語舍弥  
婆提夫人汝如我女無異若須酥油薪草材  
木樹皮松明遣人來取即勅所典舍弥婆提  
夫人遣人來索酥油薪草兩三倍與受教言

夫人遣人來索酥油薪草兩三倍與受教言  
尔女人性貪喜集諸物以易得故多取積聚  
滿宮房舍窓向欄楯諸樓閣間及床榻下諸  
瓮甕器皆悉盛滿摩犍提婆羅門知火具已  
勅閉宮門放火燒之即時人民聞王宮失火  
畏王刀力鞭杖力瞋力故多人俱集欲破門入  
摩犍提婆羅門深惡心故作是念若人民破  
門入者或能滅火令不燒死作是念已語諸  
人民汝等不知王心妬耶若聞諸人破門入  
者姦我宮人必當大瞋諸人言今當云何答  
言當縛木梯登入如是集木作梯聞舍弥波  
提及五百女人皆已燒死遣人白王宮中失

火舍弥婆提夫人等五百人火所燒死王聞  
是事心生憂惱作是言如是好福田人令永  
別離王以憂愁因緣迷悶欲死墮床諸臣以  
水灑面即便得醒諸大臣言王莫愁憂當更  
起宮殿集諸嫒女介時王破賊已還至城外  
住我不入城乃至新宮殿竟滿五百女人當  
入城住王以鞭杖力刀稍力健瞋力故宮殿  
速成選取諸貴人女億財主居士女得五百  
人滿宮中有居士名瞿師羅居士有女是舍弥  
婆提夫人妹名威德是女於千夫人中最上諸  
臣白王新宮殿已成諸夫人已滿王自知時  
即入新宮與新女共相娛樂王漸漸推問因

緣後知摩提婆羅門為自女故作是惡事  
即遣人喚婆羅門來語言汝出我國去我不  
喜殺婆羅門王即約勅殺阿奴跋摩夫人時  
諸新女為王所親信故便白王言是舍弥婆  
提夫人等長夜親近供養佛及僧願聽我等  
供養佛及僧王時作是言佛不聽諸比丘入  
王宮即時諸女欲令王起憍慢心故作是言  
王有大威德勢力諸大事尚能辦何況此事  
願王當成我等供養事諸女急白故令王發  
憍慢心即便聽許王問諸女汝等實欲作供  
養耶荅言欲作汝等隨力辦供養具諸女有  
辦僧伽梨者有辦鬱多羅僧者有辦安陀會

者有辦鉢者有辦漉水囊油囊杖線囊者尔  
時王喚巧匠問言汝能令諸夫人不出宮中  
得供養佛及僧耶荅言可得王言去何荅言  
當作行輪宮殿即勅令速作作已白王輪宮  
已成王自知時王即詣佛所頭面禮足却坐  
一面佛以種種因緣說法示教利喜示教利  
喜已嘿然王知佛種種因緣說法示教利喜  
已從座起偏袒右肩合掌白佛言願佛及僧  
受我明日請佛嘿然受王知佛受已頭面禮  
佛足右遶而去是夜辦種種多美飲食晨朝  
敷坐處遣使白佛時到食具已辦佛自知時  
諸比丘僧往詣王宮佛自房住迎食分尔時

巧匠知僧來至即出輪宮圍遶衆僧王知僧  
坐已自手行水自與多美飲食自恣飽滿即  
開宮門諸女皆出問訊諸比丘有問父母者  
姊妹兄弟者及問訊佛者卽時長老舍利弗  
爲上座語諸比丘我等今日不在王宮耶當  
共一心王知僧食已自行澡水取小床坐僧  
前聽說法語諸夫人所欲供養者今正是時  
有夫人施僧伽梨者有施鬱多羅僧者有施  
安陀衛者有施鉢者有施漉水囊者有施鍼  
線囊者卽時諸比丘皆得滿手滿鉢物相視而  
坐王有方便心當云何令諸比丘經宮中過  
卽令輪宮遮先來道便白僧言大德可去諸



比丘言佛不聽我等入王宮中王言我今教  
出不教入

尔時舍利弗呪願已及僧從座起去還到僧  
坊以是事向佛廣說佛以是事集比丘僧種  
種因緣讚戒讚持戒讚戒讚持戒已語諸比  
丘從今是戒應如是說

若比丘水澆頂利利王夜未過未藏寶若過  
門闕及門闕處除急因緣波夜提急因緣者  
若王遣使請比丘若夫人王子如是等諸有  
力官屬喚皆不犯

八  
十  
二  
竟

佛在俱舍彌國尔時長老闍那比丘犯可悔  
過罪諸比丘憐愍慈心求安隱故教令悔過

闡那言我始知是事入戒經中半月次來所  
說是中有比丘少欲知足行頭陀聞是事心不  
喜種種因緣呵責云何名比丘犯可悔罪諸比丘  
憐愍教令悔過便作是言我今始知是事入  
戒經中半月次來所說種種因緣呵已向佛  
廣說佛以是事集比丘僧知而故問問闡那  
言汝實作是事不荅言實作世尊佛以種種  
因緣呵責闡那云何名比丘犯可悔過罪諸  
比丘憐愍教令悔過便作是言我今始知是  
事入戒經中半月次來所說種種因緣呵已  
語諸比丘以十利故與諸比丘結戒從今是  
戒應如是說

若比丘說戒時作是言我今始知是事入戒  
經中隨半月次來所說諸比丘知是比丘先  
曾再三聞說此戒何況復過是比丘非不知  
故得脫隨所犯事應令如法悔過應令折伏  
汝失無利是惡不善說戒時不尊重戒不一  
心聽以是事故得波夜提波夜提者煮燒覆  
障若不悔過能障礙道是中犯者

若比丘說四波羅夷時作是言我今始知是  
法入戒經中隨半月次來所說得波夜提若  
說十三僧伽婆尸沙時若說二不定法時若  
說三十尸薩耆波夜提時若說九十波夜提  
時若說四波羅提提舍尸時若說衆多學法

時若說七止諍法時及說隨律經時作是言  
我今始知是法入戒經中隨半月次來所說  
得波夜提除隨律經說餘經時作是言我今  
始知是法入戒經中突吉羅八十  
三竟

佛在舍衛國介時舍衛城有治角師名達摩  
提那富饒財寶種種成就是人隨佛及僧所  
須物自恣請與謂衣鈎禪鎮衣丁鉢支匕鍼  
筒如是諸比丘衆多數數往取是人作不能  
供婦兒空乏餘居士瞋責訶言沙門釋子不  
知量不知厭足若施者不知量受者應知量  
是達摩提那居士本富饒財布施不知量故  
與不能供婦兒空乏是中有比丘少欲知足

行頭隨聞是事心不喜向佛廣說佛以是事  
集比丘僧種種因緣呵責諸比丘云何名比  
丘不知時不知量若施者不知量受者應知  
量是達摩提那居士本富饒財布施不知量  
故與不能供婦兒空乏種種因緣呵已語諸  
比丘以十利故與諸比丘結戒從今是戒應  
如是說

若比丘骨牙齒角作鍼筒者波夜提骨者爲骨  
馬骨蛇骨牙者爲牙馬牙豬牙齒者爲齒馬  
齒豬齒角者羊角牛角水牛角鹿角波夜提  
者煮燒覆障若不悔過能障礙道是中犯者  
若比丘骨作鍼筒波夜提若牙若齒若角隨

作隨得尔所波夜提若比丘用骨牙齒角作  
鍼筒者是比丘應破是鍼筒已入僧中唱言  
我用骨牙齒角作鍼筒得波夜提罪我今發  
露悔過不覆藏僧應問汝破鍼筒未若言已  
破應問汝見罪不若言見罪應教言汝今發  
露悔過後莫復作若未破僧應約勅令破若  
僧不約勅一切僧得突吉羅八十  
四竟

受是比丘得突吉羅

八十  
四竟

佛在俱舍弥國尔時長老闍那用高廣好床  
佛與阿難遊行到闍那房是闍那遙見佛來  
從座起偏袒右肩合掌曰佛言世尊入我房舍看  
床佛即入見是床高好見已語阿難染汗爛

壞云何是癡人用如是高廣好床佛種種因緣呵責闡那云何名比丘用高廣好床佛種種因緣呵已集比丘僧語諸比丘以十利故與諸比丘結戒從今是戒應如是說

若比丘欲作床者當應量作量者足高八指除入陛過是作者波夜提床者有二種細陛繩床麁陛繩床麁陛繩床有五種阿珊蹄脚波郎劬脚羝羊角脚尖脚曲脚細陛繩床亦有五種阿珊蹄脚波郎劬脚羝羊角脚尖脚曲脚高八指者佛言用我八指第三分入陛波夜提者煮燒覆障若不悔過能障礙道是中犯者

若比丘過八指作床脚者波夜提隨作隨得  
尔所彼夜提

若比丘過八指作床脚者應截脚入僧中白  
言我過八指作床脚得彼夜提罪令僧中發  
露悔過不覆截僧應問汝截未荅言已截問  
汝見罪不荅言見罪僧應言汝如法悔過後  
莫復作若未截僧應約勅令截若僧不約勅  
令截者僧得突吉羅若僧約勅不受是比丘

得突吉羅

八十  
五竟

佛在王舍城尔時六群比丘以草木兜羅綿貯  
卧具諸居士瞋不喜呵罵沙門釋子自言善  
好有功德乃以兜羅綿貯卧具如王如大臣是



中有比丘少欲知足行頭隨聞是事心不喜  
向佛廣說佛以是事集比丘僧知而故問六  
群比丘汝實作是事不荅言實作世尊佛以  
種種因緣呵責云何名比丘以兜羅綿貯卧具  
種種因緣呵已語諸比丘以十利故與諸比  
丘結戒從今是戒應如是說

若比丘自以兜羅綿貯卧具若使人貯波夜  
提華綿者柳華白楊華阿鳩羅綿婆鳩羅  
華鳩舍羅華間闍華婆娑闍華離摩華皆波  
夜提波夜提者燒煮覆障若不悔過能障礙  
道是中犯者

若比丘以草木兜羅綿貯卧具波夜提隨貯

隨得尔所波夜提

若比丘以兜羅綿貯卧具者是比丘應擿破  
却兜羅綿到僧中白言我以兜羅綿貯卧具  
得波夜提罪發露悔過不覆藏僧應問汝擿  
破却未若言已破却僧應問汝見罪不若言  
見罪僧應約勅汝如法悔過後莫復作若言  
未擿僧應約勅令擿若不約勅僧得突吉羅  
若僧約勅不受是比丘得突吉羅八十  
六竟

佛在舍衛國尔時毗舍佉鹿子母往詣佛所  
頭面禮佛足却坐一面佛以種種因緣說法  
示教利喜示教利喜已嘿然如佛說法示教  
利喜嘿然已從座起偏袒右肩合掌白佛言

世尊願佛及僧受我明日請佛嘿然受之知  
佛嘿然受已頭面禮佛足右遶而去還自舍  
通夜辦種種多美飲食佛是夜共阿難露地  
遊行佛看星宿相語阿難言若今有人問知  
星宿相者何時當雨彼必言七歲當雨佛語  
阿難初夜過已中夜至是星相滅更有異相  
出若介時有人問知相者何時當雨必言過  
七月當雨又語阿難中夜過已至後夜是星  
相滅有異相出若介時問知相者何時當雨  
彼必言七日當雨是夜過地了時東方有雲  
出形如圓枕遍滿空中是雲能作大雨滿諸  
坑坎

尔時佛告阿難語諸比丘是椀雲雨有功德  
能除諸病若諸比丘欲洗者露地立洗阿難  
受教語諸比丘是椀雲雨有功德能除病  
若諸比丘欲洗者露地立洗時諸比丘隨意  
露地立洗尔時毗舍佉鹿子母辦飲食已早  
起敷坐處遣婢使白佛時到食具已辦佛自  
知時婢受教往詣祇洹覓諸比丘不見於門  
孔中看見裸形露洗見已心不喜作是念是  
中都無比丘盡是裸形外道無慙愧人作是  
念已即還語毗舍佉鹿子母言祇洹中無一  
比丘盡是裸形外道是毗舍佉鹿子母智慧  
利根知今雨墮諸比丘必當露地裸形洗浴

是婢癡無所知故作是言祇洹中無一比丘  
盡是裸形外道即更喚餘婢往詣祇洹打門  
作聲白言時到食具已辦即受教去往詣祇  
洹打門作聲白言時到食具已辦佛自知時  
尔時佛與大眾著衣持鉢衆僧圍遶俱詣其  
舍佛在僧中坐毗舍佉母自行澡水自手與  
多美飲食食訖自行水知收鉢已持小床坐  
佛前聽說法白佛言世尊與我願佛言諸多  
隨阿伽度阿羅訶三藐三佛隨不得與汝過  
願毗舍佉言與我可得願佛言與汝可得願  
汝欲得何願毗舍佉言一者欲與比丘僧雨浴  
衣二者與比丘尼僧雨浴衣三者客比丘來我與

食四者遠行比丘我與食五者病比丘我與食  
六者看病比丘我與食七者我常與比丘僧粥  
八者多知識少知識比丘我與病緣湯藥及所  
須物佛言汝見何因緣故欲與比丘僧雨浴  
衣荅言大德我今日早起敷座已遣婢使詣  
祇洹白佛時到婢至門間見諸比丘露地雨  
中裸形洗浴婢還言祇洹中無一比丘但諸外  
道無慙愧人大德比丘裸形在佛前和尚阿  
闍黎一切上座前則為無羞是故欲與比丘  
僧雨浴衣著自在露地雨中洗浴毗舍佉汝  
見何因緣故欲與比丘居士僧雨浴衣荅言大  
德我一時與諸居士婦共至阿耨者羅河中洗

浴時諸比丘及亦入河中裸形洗浴諸居士婦  
見已心不喜呵責言是輩薄福德不吉麗身大  
腹垂乳何用學梵行爲大德女人裸形醜惡  
是故我欲與雨浴衣毗舍佉汝見何因緣故  
欲與客來比丘飲食答言大德客來比丘不  
知何處可去不可去道路疲極未得休息是  
故我欲與飲食後隨知可去不可去處毗舍  
佉汝見何因緣故欲與遠行比丘食答言大  
德遠行比丘若待食時但鉢那時若行乞食  
則伴捨去或夜中入嶮道或獨行曠野我與  
食故不失伴不入嶮道是故我與飲食毗舍  
佉汝見何因緣故欲與諸病比丘飲食

答言大德病比丘不得隨病飲食則病難差  
是故我與隨病飲食則病易差毗舍佉汝見  
何因緣故欲與看病比丘飲食答言大德看病  
比丘若待僧中食後食若行乞食去是病比  
丘瞻養事闕若煮飯作粥作羹煮肉煮湯藥  
出內大小便器若棄唾器以是故我與看病  
比丘飲食瞻養不闕便得煮飯作粥作羹煮  
肉及煮湯藥出內大小便器棄唾器毗舍佉  
汝見何因緣故欲常與比丘僧粥答言大德  
若比丘不食粥有飢渴惱或時腹內風起我  
常與粥故則無衆惱毗舍佉汝見何因緣故  
欲與多知識少知識比丘病緣湯藥及所須



物答言大德病比丘必欲得湯藥所須諸物  
是故我與復次大德我若聞某比丘彼任處  
死佛記彼比丘三結斷得須隨洎不墮惡道  
必得涅槃極至七生天人中往反得盡衆若  
大德我當問是長老曾來舍衛國不若我聞  
是比丘曾來舍衛國我思惟是長老或受我  
雨浴衣或受客比丘飲食或遠行飲食或隨  
病飲食或看病飲食或常與粥或病比丘湯  
藥諸物大德我以是因緣故覺意備大德我  
若聞某比丘彼任處死佛記彼比丘三結盡  
三毒薄得斯隨舍一來是世得盡苦際我當  
問是長老曾來舍衛國不若我聞是比丘曾

來舍衛國大德我如是思惟是長老或受我  
雨浴衣或受客比丘飲食或受遠行飲食或  
隨病飲食或看病飲食或常與粥或病比丘  
湯藥諸物大德我以是因緣故覺意滿大德  
我若聞某比丘彼住處死佛記彼比丘得阿  
那含五下結盡便於天上般涅槃不還是間  
大德我當問是長老曾來舍衛國不若我聞  
是比丘曾來我思惟是長老或受我雨浴衣  
或受客比丘飲食或遠行飲食或隨病飲食  
或看病飲食或常與粥或病比丘湯藥諸物  
大德我以是因緣故覺意滿大德我若聞某  
比丘彼住處死佛記彼比丘得阿羅漢我生

已盡梵行已立所作已辦自知作證我當問  
是長老曾來舍衛國不若我聞是比丘曾來  
我思惟是長老或受我雨浴衣或受客比丘  
飲食或遠行飲食或隨病飲食或看病飲食  
或常與粥或病比丘湯藥諸物我以是因緣  
故覺意滿大德如是我財福德成就以是因  
緣攝法福德佛言善哉善哉毗舍佉我聽汝  
是諸願汝與比丘僧雨浴衣比丘及僧雨浴  
衣客比丘飲食遠行比丘飲食隨病比丘飲  
食看病比丘飲食比丘僧常與粥多知識少  
知識比丘與病緣湯藥諸物毗舍佉是財福  
德成就以是因緣攝法福德佛為毗舍佉說

種種法示教利喜已從座起去佛以是事集  
比丘僧語諸比丘從今聽諸比丘畜雨浴衣  
隨意露地浴是諸比丘知佛聽畜雨浴衣廣  
長大作是中有比丘少欲知足行頭陀聞是事心  
不喜種種因緣呵責云何名比丘知佛聽畜雨  
浴衣便廣長大作種種因緣呵已向佛廣說  
佛以是事集比丘僧知而故問諸比丘汝實  
作是事不荅言實作世尊佛以種種因緣呵  
責云何名比丘知我聽畜雨浴衣便廣長大  
作畜種種因緣呵已語諸比丘以十利故與  
諸比丘結戒從今是戒應如是說若比丘欲  
作雨浴衣當應量作量者長佛六磔手廣二

磔手半過是作者波夜提波夜提者燒煮覆障若不悔過能障礙道是中犯者若比丘過量長作雨浴衣波夜提若過量廣作波夜提若過量廣長作波夜提若比丘過量廣長作雨浴衣是衣應截斷入僧中作是言我過量廣長作雨浴衣得波夜提罪今發露悔過不覆藏僧應問汝割截未若言已割截僧應問汝見罪不若言見罪應語汝如法悔過後莫復作若言未割截僧應約勅令割截若僧不約勅僧得安吉羅若僧約勅不受是比丘得安吉

羅

八十七  
竟

佛在維耶離國土地鹹濕諸比丘病癱瘡有

一比丘瘡中膿血流出汗安陀衛如水漬佛  
遙見知而故問比丘汝何以膿血汗安陀衛  
比丘答言大德我患癰瘡膿血流出汗安陀  
衛佛以是事集比丘僧種種因緣讚戒讚持  
戒讚戒讚持戒已語諸比丘從今聽畜覆瘡  
衣著乃至瘡差後十日若過是畜波夜提諸  
比丘知佛聽畜覆瘡衣便廣長大作是中有  
比丘少欲知足行頭陀聞是事心不喜種種  
因緣呵責

云何名比丘知佛聽畜覆瘡衣便廣長大作  
種種因緣呵已向佛廣說佛以是事集比丘  
僧知而故問諸比丘汝實作是事不答言實

作世尊佛以種種因緣呵責云何名比丘知  
我聽畜覆瘡衣便廣長大作種種因緣呵已  
語諸比丘以十利故與諸比丘結戒從今是  
戒應如是說若比丘欲作覆瘡衣當應量作  
量者長佛四磔手廣二磔手過是作者波夜  
提波夜提者燒煮覆障若不悔過能障礙道  
是中犯者

若比丘過量長作覆瘡衣波夜提若過量廣  
作波夜提若過量廣長作波夜提

若比丘過量廣長作覆瘡衣是衣應截斷入  
僧中作是言我過量廣長作覆瘡衣得波夜  
提罪今發露悔過不覆截罪僧應問汝截斷

未若言已截僧應問汝見罪不答言見罪僧  
應語汝如法悔過後莫復作若言未截僧應  
約勅令截若不約勅僧得突吉羅若僧約勅  
不受是比丘得突吉羅八十八竟

佛在維耶離國亦時諸比丘精汗卧具早起  
浣精舍門間曬中前佛著衣持鉢入城乞食

見是不淨汗卧具浣曬門間佛食後以是事  
集比丘僧語諸比丘我今日中前著衣持鉢  
入城乞食見諸比丘精汗卧具早起浣精曬  
舍門間語諸比丘此不應亦衆僧卧具多用  
不知量諸婆羅門居士血肉乾竭用布施作  
福是中應籌量少用是善若比丘亂念不



一心睡眠時有五過失何等五一者難睡苦  
二者難覺苦三者見惡夢四者睡眠時善神  
不護五者覺時心難入善覺觀法若比丘不  
亂念一心睡眠有五善事何等五一者無難  
睡苦二者易覺三者無惡夢四者眠時善神  
所護五者睡覺心易入善覺觀法若比丘有  
姪怒癡未得離欲不亂念一心睡眠尚不失  
精何況離欲種種因緣呵已語諸比丘從今  
聽諸比丘畜足師壇護僧卧具故不應不敷  
足師壇僧卧具上坐卧諸比丘知佛聽畜足  
師壇便廣長大作是中有比丘少欲知足行頭陀  
聞是事心不喜種種因緣呵責云何名比丘知

佛聽畜尼師壇便廣長大作畜種種因緣呵  
已向佛廣說佛以是事集比丘僧知而故問  
諸比丘汝實作是事不答言實作世尊佛以  
種種因緣呵責云何名比丘知我聽畜尼師  
壇便廣長大作畜種種因緣呵已語諸比丘  
以十利故與諸比丘結戒從今是戒應如是  
說若比丘作尼師壇當應量作量者長佛二  
磔手廣一磔手半過是作者波夜提波夜提  
者燒煮覆障若不悔過能障礙道是中犯者  
若比丘過量長作尼師壇波夜提若過量廣  
作波夜提若過量廣長作波夜提若比丘過  
量廣長作尼師壇已應截斷入僧中白言我

過量廣長作居士師壇得波夜提罪我今發露  
悔過不覆藏僧應問已割截不若言已截僧  
應問汝見罪不若言見罪應教言汝今如法  
發露悔過後莫復作若未割截僧應約勅令  
割截若不約勅令割截僧得突吉羅若僧約  
勅不受是比丘得突吉羅

佛在舍衛國介時佛中前著衣持鉢入舍衛  
城乞食食已入安陀林中一樹下敷居士師壇  
坐長老迦留陀夷亦入安陀林去佛不遠在  
一樹下敷居士師壇坐是長老身長大兩膝到  
地兩手提衣作是願言佛何時當聽我等作  
佛一磔手居士師壇如是滿足佛晡時從禪起

以是事集比丘僧語諸比丘我今日食時著  
衣持鉢入城乞食食已入安陀林一樹下敷  
屣師壇坐迦留陀夷乞食還亦坐一樹下作  
是思惟佛今何處行道我亦彼間行道我時  
入安陀林一樹下敷屣師壇坐迦留陀夷亦  
尔是善男子身大兩膝到地作是願言佛何  
時當聽作佛一鉢手屣師壇如是滿足佛語  
諸比丘從今是戒應如是說

若比丘欲作屣師壇當應量作是中量者長  
佛二鉢手廣一鉢手半及縷邊益一鉢手過

是作者波夜提

八十九  
竟

佛在迦維羅衛國尔時長老難陀是佛弟姨

母所生與佛身相似有三十相短佛四指時  
難隨作衣與佛同量諸比丘若食時會中後  
會遙見難隨來謂是佛皆起迎我等大師來  
世尊來近乃知非諸上座皆羞作是思惟此  
是我等下座去何起迎難隨亦羞言乃令諸  
上座起迎我諸比丘以是事向佛廣說佛以  
是事集比丘僧知而故問難隨汝實亦不答  
言實亦世尊佛以種種因緣呵責云何名比  
丘同佛衣量作衣從今汝衣應減作是袈裟  
應以敷灑諸比丘汝等敷灑難隨衣更有如  
是人僧亦當作敷灑語諸比丘以十利故與  
諸比丘結戒從今是戒應如是說

若比丘與佛衣同量作衣及過波夜提佛衣  
量者長佛九磔手廣六磔手是名佛衣量波  
夜提者煮燒覆障若不悔過能障礙道是中  
犯者

若比丘與佛衣同量作衣波夜提若過佛衣  
量作波夜提隨作隨得亦所波夜提

若比丘與佛衣同量作衣是衣應截斷入僧  
中白言我如佛衣量作衣得波夜提罪今發  
露悔過不覆截僧應問汝截斷未若言已截  
應問汝見罪不若言見罪僧應言汝今發露  
如法悔過後莫復作若言未截僧應約勅令  
截若僧不約勅僧得突吉羅若約勅不受是

比丘得突吉羅 竟九十

十誦律卷第十八

從

擿

同他的反

敵

徒的反

闕

呼域反

叛

音餉

詩尚

楯

時

及

檜

音塔

瓮

上盆字

下

梯

他反

芳

滌

音非

下

正

瓔

丁侯反

磔

竹客反

裸

二反

又

玄郎反

果

反

績

在智

